

Na osnovu člana 89. Ugovora o uspostavi Energetske zajednice ("Službeni glasnik BiH – Međunarodni ugovori", broj 09/06) i čl. 1. i 4. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), na sjednici Državne regulatorne komisije za električnu energiju održanoj 12. februara 2020. godine, donijeta je

ODLUKA

O TRANSPONIRANJU UREDBE O CJELOVITOSTI I TRANSPARENTNOSTI VELEPRODAJNOG TRŽIŠTA ENERGIJE

I

Ovom Odlukom se definiraju načini i rokovi transponiranja i implementacije Uredbe (EU) broj 1227/2011 Evropskog parlamenta i Vijeća od 25. oktobra 2011. o cjelovitosti i transparentnosti veleprodajnog tržišta energije, prilagođene pravnom okviru Energetske zajednice Odlukom Ministarskog vijeća Energetske zajednice broj D/2018/10/MC-EnC od 29. novembra 2018. godine, u oblasti električne energije.

II

Uredba prilagođena pravnom okviru Energetske zajednice u skladu sa odlukom iz tačke I bit će objavljena na jezicima u službenoj upotrebi u Bosni i Hercegovini u okviru internet prezentacije Državne regulatorne komisije za električnu energiju na adresi www.derk.ba.

III

Državna regulatorna komisija za električnu energiju će bez odlaganja donijeti provedbeni akt u cilju osiguranja cjelovitosti i transparentnosti veleprodajnog tržišta električne energije. Ovim aktom će se uvesti jedinstvena pravila u pogledu:

- definiranja zloupotrebe tržišta u pogledu manipulacije tržištem, pokušaja manipulacije tržištem i trgovanja na temelju povlaštenih informacija,
- uspostave novog okvira za registraciju tržišnih učesnika i nadzor veleprodajnog tržišta, u cilju otkrivanja i sprečavanja manipulacije tržištem i trgovanja na temelju povlaštenih informacija,
- uvođenja eksplicitne zabrane zloupotrebe tržišta,
- saradnje sa Regulatornim odborom, Sekretarijatom i drugim institucijama u Energetskoj zajednici i Bosni i Hercegovini.

IV

Akt iz tačke III ove Odluke bit će pripremljen uz uvažavanje mišljenja i preporuka Konkurencijskog vijeća Bosne i Hercegovine, u skladu sa odredbama Zakona o konkurenciji ("Službeni glasnik BiH", br. 48/05, 76/07 i 80/09).

V

Krajnji rok za primjenu akta iz tačke III ove Odluke ističe 29. maj 2020. godine.

V

Ova Odluka stupa na snagu danom donošenja i objavljuje se u “Službenom glasniku BiH”, službenim glasilima entiteta i Brčko Distrikta Bosne i Hercegovine.

Broj: 04-28-2-437-4/19
12. februara 2020. godine
Tuzla

Predsjedavajući Komisije
Suad Zeljković